



Seamma jahkái bargostipeandda.

Vuorkágovva: Astrid Helander



OĐĐA DEARPANČUOJANASAIID: Dáiddár Kristine Nordgaren Hansen muitala son ozai doarjaga oastit dearpančuojanasaid maid dárbbáša go doallá konseartta. Govva: priváhta govva

Beassá čuojahit maid háliida

Dáiddár Kristine Nordgaren Hansen oáččui oktiibuot 80 000 kruvna stáhta stipeandda. Muitala dál suitá oastit dearpančuojanasaid ja sáhtá čuojahit maid háliida.

Dáiddár Kristine Nordgaren Hansen oáččui guokte stáhta dáiddárstipeandda, 25 000 kruvna «diverse» -stipeandda ja 55 000 kruvna aiddo oahppan dáiddára«diverse» -stipeandda, oktiibuot 80 000 kruvna.

– Mielahis olu. Ledjen ohcan stipeandda vai beasan oastit divrasut dearpančuojanasaid ja rusttegiid. Mus ii livčče muđuid leat ráddi. Dál sáhtán buot čuojahit maid háliidan. Ledjen ohcan stipeandda vai beasan oastit teknihkalaš rusttegiid, dearpančuojanasaid ja kurssaid máksit vai oahpan eambo, lohka Kristine Nordgaren Hansen.

Davvi-Norgga Feastariemuid komponista

Kristine Nordgaren Hansen beakkehii go välljejuvvui čuojahit Davvi-Norgga Feastariemuin boahhte geasi, komposišuvnnain «Fokus på Snefjord» man lea ráhkadan Muorralla dološ árbevirolaš ludiid vuodul.

– Dál ožžon velá liigestipeandda vai beasan oastit buriid konseartarumbuid. Suitán maid oastit tingojuvvon komposišuvnna ja juollu maid prošehtii. Mus lea áigumuš ráhkadit tingojuvvon komposišuvnnaid ja ráhkadit musihkalaš galleriija vai beasan solokonseartta doallat, dadjá son.

Solokonseartta dahje ovtaolbmokonseartta čuojaha Nordlenskatedralen kirkus Áлтás 2017 ođđa komposišuvnnaid.

– Dan «diversestipeanddas» lea maid várrejuvvon ruhta kursaide maid galggaan vázzit vai oahpan komponeret, čilge nuorra dáiddár ja muitala iežas liikot buotlágan musihkkašlájaid.

Čilge su musihkka sulasta Arne Nordheim atonála musihka ja musihka mas gullá lávlunšuoŋa. Boahhteáiggi áigumuš lea doallat konsearttaid buot riikkain dáppe davvin.

Astrid Helander
astrid.helander@avvir.no

– Ožžon guokte stipeandda

Sámi dáiddár Silje Figenschou Thoresen Kirkonjargas illuda go oáččui stipeandda sihke Stáhta dáiddárstipeandda ja Norgga govvadáiddáriid buhtadusfoandda stipeandda.

– Mokta lea hirmat buorre. Mun ožžon guokte stipeandda seamma beaivvi. Ožžon Stáhta dáiddárstipeandda «diversestipeandda» pohus 70.000 kruvna ja Norgga govvadáiddáriid buhtadusfoanddas 100.000 kruvna. Dál áiggun váldit beassásluomu, oainnat barga beassáziid olles leavttuin, illuda sámi dáiddár Silje Figenschou Thoresen. Muitala stipeanddat addet sutnje vejolašvuoda ovdánit dáiddárin, go dasa eai leat čatnon makkárga eavttut masa mun galgagan geavahit daid ruđaid.

Beassá bargat eambo

Dáiddár miediha ii leat nu álki su dáidagiid vuodit, son bargá eanaš čájehit su dáidagiid dáiddačájáhusain, birge stipeanddain ja proševttaid bokte.

– Dat vihtta proseantta maid olbmot máksit go ostet dáidagiid, manna govvadáiddáriid buhtadusfondii, juhket manna dáidáriid. Lea hirmat buorre ortnet, go dat lea doarjja dáiddáriid, čilge Silje Figenschou Thoresen.

Sárguogantán dološ dávviriid

– Dál lean sárguogantán sámi dološ dávviriid, maid arkeologat gávdne 1950-logis. Sárggun áksuid, niibbiid ja njuollagežiid. Lea oalle goikkis, muhto mun áiggun čájehit daid iežan eará bácciguin. Mun oainnat čoakkán ávdnasiid ja ráhkadan dáidagiid. Seamma láhkai go olbmot čogge ávdnasiid ja go dárbbášedje áiddi, de ráhkadedje das áiddi ja loahpas manne ligget dálu, čilge dáiddár ja muitala lei muhtin museakuráhtor gii hástalii su dan dahkat.

Astrid Helander
astrid.helander@avvir.no



BEASSÁ OVDÁNIT DÁIDDALAČČAT: Sámi dáiddár Silje Figenschou Thoresenas lei dáiddačájáhus Sámi Dáiddaguovddázis Kárášjogas diibmá. Dá čájeha bácci maid lea ráhkadan čoggon ávdnasiiguin.

Vuorkágovva: Astrid Helander